



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM

**Bacha ba
phathahanya
'muso**

3

**RSL e'a
inolofaletsa**

5

**ROAD FUND E HLAHLELLA MAKHOTLA****Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

**<https://library.akello.co/downloads>****Follow the link**

MOELETSI

Re itella hakaalo?

Entse e le mahlomola feela ho Basotho ba phelang Afrika Boroa, ba ileng ho ea tsomela ba malapa a bona mentsuntsunyane. E ile ea ba thabo ho bona nakong eo mebuso e neng e lumellana ka matsatsi a 90 ha motho a etela Afrika Boroa, empa thabo eo e kopane le masoabi hobane Basotho ba phela habohloko ba qhobellane lichankaneng. Ha ho beke ea mahala ho sa utloahale ho e-na le Basotho ba lelekisitsong ke mapolesa 'me ba bang ba tšoeroe. Ho bohloko ka ho fetisisa ke hore ba malapa a habo bona ba re ba haneloa ho ba bona hape ba sitoa le ho ba romella chelete le ha e se e le liaparo feela, ka lebaka lena ba bolaoa ke serame haholo ha Mariha a selemo sena a bata hakaana. Na ekaba 'Muso oa Afrika Boroa o lumetse ka matsatsi a 90 hore o tlo sotle Basotho tjee? Kapa ke 'muso oa habo bona o sa sebetsang litaba hantle? Mokhatlo oa Basotho ba sebetsang Linaheng tseo e seng tsa habo Bona o ipiletsa ho 'Muso oa Lesotho ho tla ka meralo e tla ntša Basotho bao maqakabetsing a bona, hobane khopolo ke hore kopanong ea linaha tsena e ileng ea ba ka khoele ea Motšeanong ho ile ha tšohla litaba tsena empa ho shebahala ho se joalo. Molula-Setulo oa Balula-Setulo ba Likomiti tsa Paramente o re tšepo ea bona ke hore litaba li tla loka kaha Afrika Boroa le linaha tse ling li ntse li buisana ka motsamano o lokolohileng.

Ka lehlakoreng le leng, kamor'a hore Tona-Kholo a bolele meralo eo 'muso o tlo e nka ho thusa ho loantša tlhokahalo ea mesebetsi haholo bathong ba bacha, sechaba se ile sa re, re tla re ke lipitsi ha re li bona. Ho shebahala hanyane ka hanyane eka ehlile lipitsi e tla ba lipitsi hobane tse ling tsa lintho tseo a ileng a li bua li se li phethahetse. O ile a tšepisa hore e le ho nolofaletsa bacha ho theha likhoebo ho tla nyehlisoa melao ngolisong ea likhoebo tse ncha, 'me lekala le amehang le ile la phatlalatsa hore motho h'a sa hlokoa bolulo ho ngolisa khoebo. Joale kajeno Lekala la Bacha, Tekano le Ntšetsopele ea Sechaba le arabetse thomo ea Tona-Kholo ka ho theha mesebetsi e ka bang 2,500 ea boithaopo ho bacha. Lenane lena le qalileng ka selemo sa 2009 le ne le sekisetse bacha kaha bohle ba ne ba lokela ho ngolisa Motse-Moholo, empa monongoaha ho se ho tla etsoa ka marang-rang. Lekala le shebile haholo bacha ba nang le mangolo a thuto e phahameng ho ithuta mosebetsi ho latela mafapha a fapakaneng ao ba ithutetseng ona. Ho feta mona likhoebo le tsona li ka etsa likopo hore li fuoe bacha ho latela tlhoko ea tsona.

Taba e 'ngoe eo Basotho ba e nketseng holimo haholo bacha ke ketelo ea monna ea tummeng marang-rang ka lebitso la Wode Maya eo e leng letsoalloa la Naha ea Ghana. Monna enoa o tlisitsoe Lesotho ho tla e thusa ho e tsebahatsa machabeng holatela bolateli bo bongata boo a nang le bona lithaleng tse fapakaneng tsa marang-rang. Litaba tsena tsohle li hlophisitsoe ke Koporasi ea Bohahlauli Lesotho (LTDC). Lesotho esale le hlahella lefatšeng ka litaba tse ngotsoeng ke melichaba ka lona, tseo hangata li sa bueng ka kotloloho ka lona. Basotho ebe ba sitoa ke'ng ho ingolla nalane ea bona, hobane kannete e ngotsoeng ke ngoan'a Mosotho e tla ba manoni ebe le 'nete eohle. Le nakong ee ea marang-rang Lesotho le ntse le mema balichaba ho tla le bapatsa? Hobane'ng le sa nke ngoan'a Mosotho hobane le na le ba bangata ba tummeng, a fua lihlomo tsohle 'me a ntlafatsoa eaba ke eena ea etsang mosebetsi oo? Re ikhella fatše hakaalo re le Basotho? Ho hlakile ha re itšepa e bile ha re tšepane 'me ekare ha ho mohla re tla tšepana ho hang.

MOLIMO A BOLOKE LESOTHO LE BASOTHO

APPN e tlabola selekane

le Senate

Nthabeleng Seitlheko

Mokhatlo oa Baphatlalatsi ba Litaba tsa Paramente Tikolohong ea Afrika (APPN) o tekene tumellano ea tšebetso le Ntlo ea Senate ka sepheo sa ho matlafatsa tšebeliso 'moho le bophatlalatsi ba litaba tsa paramente le ho khothalletsa bophatlalatsi bo nang le boleng, ka la 6 Phupu monongoaha.

Ofisiri Litabeng tsa

sebetsa 'moho ba phatlalatsa litaba tsa 'nete le ho bona hore kaparo ea bona kahar'a ntlo ke e amohelang.

O re ke boikarabello bo tlamang mahlakore ka bobeli ho bona hore selemo le selemo ho ba le lithupelo moo ba tla hlahlellana ka malebela le ho sheba hore na ba sebelitse joang.

Moemeli oa APPN Thoboloko Ntšonyane o re baphatlalatsi ba litaba tsa paramente ba ikemiselitse ho fumana le ho tlaheha litaba tsa paramente ka ponaletso le ho

oa baphatlalatsi ba litaba, ka hoo ke taba-tabelo ea bona hore sechaba se tsebe mosebetsi oa paramente ka baphatlalatsi, ka hona menyako e buleloe bohle. A re mosebetsi oa bophatlalatsi o moholo o lokela ho ananeloa le ho hlompheha.

A re ntlo e bapala karo-lo ea bohlokoa ho hlahlobeng melao, ho khothalletsa khotso le poelano, ho emela boetapele ba setso le ho sireletsa molao oa motheo. Tšebeliso ena le bo-ralitaba e tla theha borokho lipakeng tsa ntlo le sechaba sa Basotho, ka hona e tla tiisa hore tlhahiso leseling ha e fumanehe feela, empa e fihla e nepahetse ebile e matlafatsa sechaba.

Selekane sena ha se mongolo o tšoanang le mangolo a tloaelehileng ke tumellano e sebet-sang e fanang ka tataiso mabapi le hore na ba tla sebetsa hammoho joang, ho arolelana tlhahiso leseling ka mehla le ka pepenene le liofi-si tsa bo-ralitaba, ho fa bo-ralitaba monyetla oa ho fihlella likopano tsa Senate, liphatlalatso le liketsahalo tsa sechaba, ho tšehetsa bo-ralitaba ba ikarabellang ka likopano tse kopanetsoeng tsa bo-ralitaba le koetli-so, ho theha melaoana ea boitšoarole botsebi bakeng sa ho tlaheha ka litaba tsa paramente, ho phahamisa thuto ea sechaba ka mecha ea litaba e le hore Basotho ba utloisise mosebetsi oa Senate hantle.



Molao Ntlong ea Senate, Ts'eliso Papiso o hlalositse hore ke boitlamo ba Ntlo ea Senate ho sireletsa baphatlalatsi liqholot-song tseo ba kopanang le tsona nakong eo ba phatlalatsang litaba. A re ba rata ho bona bophatlalatsi le paramente ba

buleloa mamati. A re ba lokela ho sebetsa 'moho hore ba tsebe ho etsa mosebetsi o matla le ho isa litaba sechabeng ka mokhoa o bonolo.

Mongoli oa Ntlo ea Senate, Adv. Tšeliso Molise o re ntlo e utloisisa ka botlalo mosebetsi



Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Bacha ba phathahanya 'muso



Nthabeleng Seithleko

Motlatsi oa Mookameli oa Bacha ba Lekhotla la Puso ea Sechaba (DC) Lebohang Ntsau, o re ba ikemiselitse ho bona hore 'muso o etsa se nepahetseng sebakeng sa bacha, ka hoo ba tla lula ba o behile rifi molaleng ho bona hore ho ananeloa mocha e mong le e mong litabeng tse ba amang ho se khethollo ea lipolotiki. O boletse litaba tsena, puisa-

nong le Koranta ka la 7 Phupu monongoaha, nakong eo a thoholetsang 'Muso oa Lesotho ka ho phatlalatsa tlhokahalo ea mesebetsi ho bacha e le qomatsi.

O itse ba khotsofetse hobane seo ba neng ba se hloka ke hore taba ena e phatlalatsoe ho be le tokomane ea molao e tla tlama hore ba amehang ba sebetse ba ipapisitse le lipehelo tsa ona. A re ho tli'o ba bonolo ho bona ho lelekisana le ho bona hore tokomane eo e kena tšebetsong ho thusa ntlafalong ea mosebetsi oa bona.

A re ba tli'o sebetse ka thata ho bona hore bacha b'a ananeloa, 'me taba eo e tli'o tsamaisoa ke bona e le bacha ho bona hore e'a sebetsoa e phethahale ho sa natsoe boemo ba bona ba lipolotiki, hape le batho ba nang le bokooa ba kenelle. A re taba ena e tlo ba mahlong a bona le ho bona hore tsohle li'a phethahala, molemong oa kholo ea bacha ba naha ena.

O re leha 'muso o bua ka litaba tsa khoebo ha se ba-

cha bohle ba ratang hore ba be khoebong empa ho lokela ho be le bareki, ka lebaka lena makala a tlameha ho etsa linyehlisetso ho hiroe bacha molemong oa hore ba sebetse, likhoebo tse thehiloeng li be le bareki. A re ba tli'o sebetse ka matla ho bona hore lintlha tsohle li ngoloa ka nepo le litlaleho li'a fanoa, ho latela molao o tsamaisang Setsi sa Thibelo ea Likoluo (DMA) hore ho be le ponaletso eseng boiqapelo.



O phethetse ka hore ho lokela ho bonahale matšoao a mangata a supang phethahalo litabeng tsa sechaba, ka hona ha b'a lebella ho bona e sebetse e le boiketoto ba mokha o pusong oa lipolotiki empa e be taba ea sechaba e anelang bohle.

E mong oa Bacha Shutdown Molise Rasello, o hlalositse ba khotsofetse kaha e le lekhetlo la pele 'muso o ba kenyeleletsa bacha litabeng tse ba amang, 'me ho tloha mona ho ea pele ba ke ke ba ba sihella morao. A re ba ne ba lokela ho bona molao o hlahella e le hore lichelete li tle li abeloe meralo e nepahetseng 'me ba tla sebetse 'moho le 'muso ho bona hore litaba tsa bona li'a sebetsoa.

O re tebello ke hore ka mekhahlelong eohle ea DMA ho hiroe bacha, ba bule likhoebo le bacha bohle ba neng ba laba-labela ho kena temong ba kene ho be le mokhoa o bonolo oa hore ba fumane chelete. Hape a re ba lumelloe ho sebelisa mobu ntle le lipehelo eleng seo ba neng ba sitoa ho sebetse ka lebaka la sona. O re ba rata hore ka selemo sa 2027 ho be ho e-na le bacha ba sebitsang, maseimo ohle a lenngoe le litse-la li etsoe ka matla kahar'a metse ho hirioe batho ha bonolo.

A tsoelapele hore 'muso o ke o tlohele litaba tsa ho sebitsana le lithentara, chelete e ke e isoe sechabeng le mesebetsi eohle e isoe sechabeng, 'me 'muso o ikarabelle e le ho qoba hore batho ba lefshoe litsiane tse nyenyane. A re ba kopile hore 'muso o ke o hire bacha ho fihlela ho lilemo tse 45 kaha e le bona ba tsoereng boikarabello bo boholo, b'a tšepa hore taba eo e tla hlahlojoa e sebetsoe.

Rasello o re ba loantša ka matla khiro ea sepolotiki le ho leka ka hohle ho bona hore bacha bohle ba una molemo litabeng tse ba amang, ba tla bona hore litaba tsohle tsa bacha li eloa hloko ka mekhahlelo eohle ea bona ho se khethollo.

Litaba tsena li latela hore Motlatsi oa Tona-Khola, Justice Nthomeng Majara a phatlalalitse gazette ea 'muso e hlalosing tlhokahalo ea mesebetsi le tahlehelo ea mesebetsi bacheng ele qomatsi, kaha e ama bophelo ba sechaba, ka la 7 Phupu monongoaha. Phatlalatsa ena e keneng tšebetsong ho tloha ka la 7 Phupu monongoaha, e tla fihla pheletsoang ka la 30 Phupu 2027.

Lerato pele, chelete kamorao-Wode Maya

Nthabeleng Seithleko

Berthold Kobby Winkler Ackon, ea tsejoang haholo e le Wode Maya eaba Basotho ba mo reha Kopano, o khothalelitse bacha haholo-holo ba ntseng ba hlahisa litaba ka marang-rang (content creators) hore ba behe kapele lerato le takatso ea bona, eseng chelete hore mosebetsi oa bona o tsebe ho atleha. O boletse tsena, Holong ea Liboka ea 'Manthabiseng, Maseru 'mokeng oa la 8 Phupu monongoaha.

H'a bua 'mokeng o neng o hlophisitsoe ke Koporasi ea Bohahlauli Lesotho (LTDC) Maseru, setsebi sena sa litaba tsa marang-rang se tsoang Naheng ea Ghana se hatelletse bohlokoa ba ho latela pelo le takatso. O boletse hore ho latela chelete pele ho ka sitisa katleho ea nako e telele.

"Hoja ke behile chelete pele ho ntho eo ke e ratang, nka be ke sa fihla moo ke leng teng kajeno. Ke ile ka latela takatso ea ka ea ho pheta lipale tsa Afrika le ho phahamisa. Chelete e ile ea tla hamorao." Ho rialo Wode Maya.

Ka balateli ba fetang limilione tse 'ne mecheng e fapaneng tsa marang-rang, o

buile ka mathata a tsamaiso ea hae, ho kenyeleletsa le mathata a kelello a baki loeng ke lenyatso la marang-rang. Ho e-na le hore a nyahame, o ile a sebelisa lenyatso leo ho ntlafatsa le ho bopa litaba tsa boleng bo holimo.

H'a phethela, o khothalelitse bacha ho ba le mamello, ho sebetse ka lerato, le ho lula ba tšehetsana hobane lerato la seo ba se etsang ke lona le tla ba isa pele eseng tjotjo.

E mong oa bacha ba bileng 'mokeng ona, Tšepang Maboe ea tumeng ka ho fana ka thuto ka litaba tsa bophelo bo botle ba HIV/AIDS, o hlalositse hore o ithutile litaba tse ngata haholo ka marang-rang. A re sebaka seo se hloka motho ea sebetse, ea nang le lerato la seo a se etsang le mamello, kaha e le sebaka se ka nyahamisang motho ho seo a phelang ka sona.

A re bothata bo bong ke khethollo eo bana ba Basotho ba e etsang ha ba lokela ho tšehetsa mesebetsi ea ba bang ka ho sheba hore na mang ke mang eleng se nyahamisang batho ba bang empa le teng a kopa hore batho ba itšepa ba etse lintho tseo ba li ratang ho sa natse lipuo tsa batho hobane seo se nyahamisa kholo ea bona.

O ipilelitse ho 'Muso oa

Lesotho ho ntlafatsa tšebeliso ea marang-rang ka ho thusa hore bacha ba be le monyetla oa chelete molemong oa boipheliso e seng ba kenele marang-rang ho lahla litaba tsa bona.

E mong oa baphatlalatsi Molula-Mofosi, o hlalositse hore mosebetsi oa bona o bonahala o sa le mongata hobane batho ha ba utloisisi phapano lipakeng tsa mophatlalatsi le motho ea sebelisang marang-rang ka bo-eena. A re o nahana ho bohlokoa hore litsi tsohle tsa bophatlalatsi Lesotho li phathahane ho latela lebelo la marang-rang le ho ipapisisa le liphetoho hobane seo se etsa hore batho ba nyahamele mosebetsi oa bona leha e le oa bohlokoa nakong eo ba o entseng ka ho lieha hore o fihlele Basotho.

"Ke nako ea hore beng ba litsi tsa bophatlalatsi ba ikamahanye le liphetoho ho thusa ho fana ka thuto ea boleng ho sechaba, ea 'nete ho koala sekheo sa tahlehelo ea litaba sechabeng molemong oa sechaba se nang le tsebo ea 'nete.'" Ke Mofosi eo.

Ea tsoereng molepo e le Mookameli oa LTDC, Mamello Morojele o hlalositse hore ketelo ea Wode Maya Lesotho e thusitse hore likete tsa batho li tsebe ka botle ba Lesotho ha le aparetsoe ke lehloa, ha sechaba sa Basotho se phelang ka maloting se imona menonana ka ha ketelo ea bahahlauli e nyolohile ka palo e holimo, le batsamaisi ba bahahlauli ba bile le mosebetsi le libaka tsa matlo a baeti li entse chelete.



MOELETSI O TŠEHETSA BACHA



Tšeliso Thakholi

Sechaba sa Basotho ho tloha tšimolohong haesale e le sechaba se nang le litsebo tsa bohlahisi ba meriana le litlotso ka mefuta ea tsona. Ba sebelisa lero le tshotliloeng ho tsoa limeleng tsa Sesotho tse kang torofeie, lengana, lekhalo le 'morobei. Litlama tsena le tse ling tse ngata li bohlokoa haholo hobane li ntlafatsa bophelo ba rona ba letsatsi ka leng, li boetse li bohlokoa hobane li tsoa mobung o nahathote, moo ho nang le matsoai le manyolo a tsholeho. Ka lebaka lena li na le matsoai ohle a hlokoang ke 'mele ho itšireletsa khahlanong le mafu a mefuta. Ka hona sechaba sa Basotho se lokela ho sebelisa meriana, lisepa le lintho tse itlolang 'meleng molemong oa bophelo bo botle.

'Maphelloane Mokotjeme-la oa Kampani e bitsoang Pabala Cosmetics Range 'Lula o khanya Pontšeng' e hlahisang mefuta e fapakaneng ea lihlahisoa tse entsoeng ka litlama tsa Lesotho, o re manollala ka bohlokoa ba lihlahisoa tsa Kampani ea habo le mefuta ea tseo ba li etsang molemong oa bophelo bo botle ba Basotho. Pabala Cosmetics Range ka lepetjo lena la bona le monate, e hlahisa meriana le litlotso tsa boemo ba machaba, lihlahisoa tsa bona li hlahlobiloe, li na le chebahalo e ntle,

haholo ebile ha li na litlamorao tse kotsi bophelong ba sechaba. Mocha enoa ea hloahloa o re khothaletsa ho sebelisa lihlahisoa tsa Pabala Cosmetics Range molemong oa paballeho le bophelo bo botle.

MORERO OA HO THEHA PABALA

Morero o moholo oa ho thehoa ha Kampani ea Pabala Cosmetics Range, sethathong e ne e le ho etsa meriana molemong oa ho thusa sechaba sa Basotho hore se lule se phetse hantle. Empa ho ile ha hlokomelaha hore Pabala e ka hlahisetsa bacha mesebetsi. Ke ha botsamaisi ba Kampani ena bo etsa qeto ea ho atolosa Kampani, e le hore e tsebe ho hlahisa mesebetsi e mengata molemong oa bacha. Rea tseba bohle hore re le bacha re tobane le qholotso e kholo ea tlhakahalo ea mesebetsi.

BOHLOKOA BA PABALA

Pabala Cosmetics e kents'e letsoho le toma ho hlahisetsa bacha mesebetsi e fapakaneng. Hajoale re na le bacha ba robong bao e leng basebetsi ba Kampani. Re boetse re na le bacha le baitšokuli ba sebetsang libakeng ka ho fapakana, bao re ba thusang ho itlhlahisetsa mesebetsi ka ho reka le ho rekisa lihlahisoa tsa rona ka litheko tse tlase. Lihlahisoa tsa habo rona li boetse li fumaneha hohle mabenkeleng a maholo le likhoebong tse nyenyane ka litheko tse tlase. Lihlahisoa tsa Pabala li ikhetholla ho tse ling ka chebahalo e ntle,

ke tsa boleng le ho fana ka bophelo bo botle ho Basotho.

LIHLAHISOA TSA PABALA

Re na le mefuta e fapakaneng ea lihlahisoa tsa Pabala tse kang 'Body Lotion' e entsoeng ka Torofeie e etsang letlalo le hlakileng, ha e khofole letlalo la motho. Re na le 'Hair Oil' ho ngobetsa letlalo la hlooho ho felisa sekerefe. Re boetse re na le 'Facial Soap' e

leng sesepa sa mahlong se monyang mafura le ho etsa letlalo le letle le borethe le hloekileng. Re na le Pabala 'Camphor Cream' bakeng sa ho boloka letlalo le mongobo, re na le Pabala 'Lanolin Hair Food,' Pabala 'Hand & Body,' Pabala 'Glycerine' e thusang bo-'m'e ho loantša lichubaba. E kholo ka ho fetisisa re na le meriana e entsoeng ka torofeie e thusang haholo ho loantša serame haholo nakong ena

ea Mariha.

LIKATLEHO LE LIQHOLOTSO

Pabala e holile haholo kaha e hirile bana ba Basotho ba bangata haholo esita le baitšokuli ba rekang ba ithekisetsa e le hore ba tsebe ho iphelisa. Re fumaneha literekeng tse leshome tsa Naha ea Lesotho le Kampaning ea South Africa Cosmetic Connexion Naheng ea Afrika Boroa. Qholotso e kholo eo re atisang ho kopana le eona ke ea batho ba lekang ho utsoa lebitso la Pabala. Re rata ho ba hlokomelisa ho emisa ketso eo hang-hang kaha bao re tla ba fumana re tla ba nkela likhato tse matla tsa molao, ka ho senya seriti le tlhompheho ea Kampani ea habo rona. Pabala ke Kampani e ngolisitsoeng ka molao.

KELETSO HO BACHA

Ke khothaletsa bacha hore ba ka qala ho theha mesebetsi e fapakaneng hohle moo ba leng teng, ho late-la litsebo tseo ba nang le tsona. E ka ba ke tseo ba li etseng sekolong kapa tsa tlhaho. Ba sebetse ka matla haholo le ho se nyahame ha ba kopana le liqholotso. Pele ba iqalla likhoebo ba etse lipatlisiso pele tsa hore na moo ba phelang sechaba se hloakang litšebeliso kapa likhoebo tsa mofuta ofe. Sena se tla ba thusa hore likhoebo tsa bona li tsebe ho hola ka potlako. Taba ea ho fumana tlhoko ea baji e tla ba thusa bakeng sa 'maraka o motle o tla tseba ho holisa likhoebo tsa bona.



RSL e'a inolofaletsa

Nthabeleng Seithheko

Setsi sa Pokello ea Lekhetho sa Lesotho (RSL) se tsoaile mohato oa bohlokoa nalaneng ea sona oa ho ntlafatsa phano ea litšebeletso le ho li atametsa ho sechaba ka kakaretso, ka ho thakhola semmuso koloi e tl'o tsamaea literekeng le libakeng tse fapakaneng ho fana ka litšebeletso tsohle ho sechaba. Ketekelo ena, e bile ka la 4 Phupu monongoaha.

Mookameli oa RSL 'Mathabo Mokoko o re ona ke mohato oa maano o retsoeng ho nolofalletsa batho ba lulang libakeng tse hole kapa ba sa tse-beng hantle lisebelisoa tsa marang-rang ho fihlella litšebeletso tsa RSL. A re ofisi ena e tl'o fana ka mefuta e mengata ea litšebeletso tsa bohlokoa, har'a litšebeletso tse ka fumanoang ho kenyeletsa le tse fumanehang sethaleng sa marang-rang sa RSL tsona ke e-tax e nolofalletsang ba lefella lekhetho ho ingolisa, ho tlatsa le ho laola litaba tsa bona tsa lekhetho ka marang-rang.

O re tšebetso ena ke bopaki ba boitlamo ba RSL ba ho kenyeletsa Basotho bohle tšebetsong ea pheto-



ho ea marang-rang, ho sa tsotellehe hore na motho o lula hokae kapa o na le tsebo e kae ea marang-rang. Ofisi ena ea mohala e tla bapala karolo ea bohlokoa ho atametsa litšebeletso tsa RSL ho sechaba, e matlafatsa sepheo sa RSL sa ho etsa tsamaiso ea lekhetho hore e be e sebetsang, e fumanehe ha bonolo.

Mookameli-Kakaretso Lefapheng la Phano ea Litšebeletso ka Marang-rang, Tšepo Raletsoane o hlalositse hore mosebetsi oa koloi ena ke ho atametsa litšebeletso haufi le sechaba, hobane ha li fumaneha hohle habonolo ho tla etsa hore Mosotho e mong le e mong a li fumane. O re ha ho kamoo koloi ena e ka

lulang e sa sebetse hobane hohle moo ba lokelang ho ba teng ke kahar'a sechaba ho se thusa ho ntlafatsa litaba tsa bona tsa ho lefa lekhetho.

'Makhothatso Khanari mookameli Lefapheng la Phano ea Litšebeletso ka Marang-rang, o bontšitse hore koloi ena e hokelletsoe le lisebelisoa tsohle tsa marang-rang a tla fumaneha libakeng tsohle, e sebelisa motlakase oa letsatsi e le karolo ea hore hohle moo ba lokelang ho fana ka litšebeletso ho se khokelo ea motlakase ho be bonolo ho bona ho etsa joalo.

A re har'a mosebetsi o moholo o ba tlang ho o etsa ke ho fana ka litokomane tsa lekhetho, ho thusa batho

ba lebitseng linomoro tsa bona tsa lekunutu ho ntlafatsa tšebetso e joalo hore ba tsebe ho fumana litšebeletso tsohle, ba boetse ba

na le mokhoaa oa ho boloka litokomane kamor'a tšebetso, le ho sebelisa mekhhoa e ntlafetseng ea ho fana ka thuto nakong ea tšebetso.



Lekala le araba taelo

Nthabeleng Seithheko

Letona la Bacha, Tekano le Ntšetsopele ea Sechaba, Mohlomphehi Pitso Lesaana o hlalosa hore e le ho arabela taelo ea Tona-Kholo Ntsokoane Matekane ea hore makala a tle ka maano le meralo ea ho thusetsa ho hlalisoa bacha mesebetsi, lekala la habo le na le mananeo a mabeli ao ka ona ba tl'o thehela bacha mesebetsi. Litaba tsena o li hlalositse 'mokeng oa bo-ralitaba oa la 4 Phupu monongoaha.

A re ba tlile ka boihlopho bo bocha ba lekala bo bitsoang National Volunteer Corps moo ba tl'o hira bacha ba 2,500

A re lenaneo lena la boithaopo le qalile ka selemo sa 2009 moo bacha ba litereke tse kholo ba ne ba sekisetsoa kaha ba ne

ba lokela ho palama ba tla Maseru ho tliša likopo lekaleng empa a re monongoaha ho se ho tl'o etsoa likopo ka marang-rang.

A re sepheo sa lenaneo lena ke ho ruta bacha ho ba le lerato la naha le ho ithuta mesebetsi ea mafapha ao ba ithutetseng ona kaha mona lenaneo lena le hira bacha ba nang le mangolo a thuto e phahameng.

A re khoeling ena lekala le tl'o qala ho hira bacha ba 104. A re ho feta mona lekala le tlile ka morero o mocha o thusang sechaba sebakeng sa ho iketsetsa (PSLP) moo ba tl'o thusana ho fana ka mokhoa oa ho iqalla likhoebo tse nyenyane ho bacha, bahloki le batho ba nang le bokooa.

A re morerong ona ba tl'o hlalisa mesebetsi e 1,104 moo teng ba tl'o tšoarela ba nang le khahleho ea ho iqalla likhoebo lithupelo mabapi le likhoebo tseo tsa bona.

A re hona joale ba se ba ntse ba sebetse le Makhotla

a Puso ea Libaka a mahlanok ka bacha ba 950, 'me ba seng ba qalile ke ba Thaba-Morena, Metsi-Maholo, Tosing, Phuthiatsana le Bolahla.

O re ha mesebetsi ena e se e boletsoe ha ho sitise likhoebo ho etsa kopo hore li tsebe ho fuoa batho ba tla ithuta mosebetsi o joalo. A re tšebetso eo e tla etsoa

ho ipapisitsoe le tšebetso ea khoebo ka 'ngoe kapa litokomane tse lokelang.

E mong oa bacha 'Mampho Ramela o thoholelitse mohato ona ka le reng, o tl'o thusa hore bacha ho ba le litsebo hape ba tla fumana mesebetsi hore qetellong ba tsebe ho itšoarela ka matsoho. A re bacha ba bangata ka lebaka la boikar-

abello, ba tlotsing e kholo ea ho iphelisa le ho phelisa malapa a habo bona.

O re ba tšoare ka matla mokhatlong oa bona oa Youth Lead ho bona hore bacha ba tšoare ka matsoho a bona ho ba thusa ho nena lithetefatsi e le hore qetellong ba se lahleheloe ke tšepo. O re ntho e kholo e lokelang ho etsahala ke ho boulella mesebetsi le litsebo, ba li sebelisa hantle hore li ba tsoele molemo.



Ba loanela litokelo tsa bona



Nthabeleng Seithleko

Ele ho matlafatsa le ho tsebahat-sa boiphihlelo ba batho ba nang le bokooa mekhahlelong e fapakaneng ea bona, batho ba nang le bokooa ba thehile Mokhatlo oa Basebetsi oa Batho ba nang le Bokooa (DEAL), o reretsoeng ho buella litokelo tsa bona litabeng tsa mesebetsi. Litaba tsena li boletsoe, ke e mong oa bathehi ba Mokhatlo Molise Foso ka la 8 Phupu monongoaha.

O re ba ile ba qholotseha ha ba bona hore batho ba nang le bokooa, ba na le mangolo a thuto e phahameng le litsebo ba le bangata empa ho bonahala nakong ea khiro khethollo e ba teng. O re sena ba se hlokomela ka lipalo tse tlaase tsa batho ba nang le bokooa ba sebetsang ba e-na le litsebo mafapheng a fapakaneng, ka lebaka lena ba tl'o susumetsa maano a khiro a kenyeletsang bohle.

O bonts'itse hore ba na le litlaleho tsa batho ba nang le bokooa ba ileng ba hloa ke mesebetsi hobane ho shebiloe tsela eo ba shebahalang ka eona, sena se bonts'a hore ho ntse ho e-na le khaello e kholo litabeng tsa khiro e kenyeletsang bohle ka hoo ba lokela ho ema ka maoto ho thibela ketso ena, e le hore batho ba nang le bokooa ba fuoe mesebetsi joaloka karolo eohle ea sechaba.

Foso o re 'muso ha o behe batho ba nang le bokooa kapele-pele, ba ntse ba saletse morao e bile ba tlokotsing lehoja ba se ba e-na le batho ba bangata

ba rutehileng. A re ba shebile haholo ba atlehileng ho ea likolong tse phahameng hore ba fuoe mesebetsi, hape ba hloka ho bona le ba bang ba nang le litsebo tsa mesebetsi ea matsoho ba ts'ehetsoe ka lichelete hore ba tsebe ho iphelisa.

"Taba ea batho ba nang le bokooa ba fetotseng mat-

soho masoto, ha se ntho e teng kaha ba etsa sohle ho phela joaloka mang le mang, ha e se fela batho ba nang le bokooa bo tebileng." Ke Foso eo.

O tsoetsepele hore bao le bona ba na le monyetla oa ho hlalisa mesebetsi ebang ba ka fumana ts'ehetso. A re mokhatlo o tl'o matlafatsa

batho ba nang le bokooa ba nang le talenta hore le bona ba tsebe ho iphelisa ka eona ka ho beha litalenta tsa bona pooaneng le hore ba tsebe ho hlahella.

O re ba thehile mokhatlo ona tlas'a molao o sireletsang batho ba nang le bokooa oa selemo sa 2021 karolo ea 44, e buang ka litiane tse fanoang ho batho ba nang le bokooa kaha o sehile mpa ka lehare ka le reng o thusa fela ba nang le bokooa bo tebileng, ha o re letho ka ba se nang bokooa bo tebileng hore bona ba tla phela joang. O re ba ile ba bona ho hloka hore ba rekise litsebo tsa bona ho bahiri, le ho bona hore b'a itsebahatsa.

O re ba boetse ba ts'oenyehile kaha 'muso o bohanala o seha mpa ka lehare hao fana ka mesebetsi ho bacha moo ho nkoang fela bacha ba lilemo li 18 ho isa ho tse 35, 'me ba ameha haholo e le batho ba nang le bokooa hobane ba lieha ho ithuta ka lebaka la boemo ba bona. A re ngoana ea nang le bokooa lilemong tse 18 ke hona ba ntse ba le kahare ho sekolo, ho ba bo-

ima ho bona ho qeta sekolo ka nako joaloka ba bang. A re bana ba nang le bokooa ba ntse ba saletse morao litabeng tsa thuto lilemong tse tlaase hobane likolo ha li maemong a amoheleheng bakeng sa bona.

O phethetse ka hore polelo ea mebuso e reng ba ts'ehetsa batho ba nang le bokooa ha e sebetse kaha ba sebetsa ba akaretsa lehoja litlhoko tsa bona li fapakana, ka lebaka lena ba lokela ho etsa maano, ba fetole melao ea khale e le hore ba ananele batho bohle.

O ipilelitse ho 'muso ho sebetsa litaba tsohle ntle le letsuka la lipolotiki, hobane ho utloisa bohloko hore thepa e lokelang ho fuoa batho ba nang le bokooa ba amehang kahar'a lipolotiki ha ho be le phatlalatso e etsoang hore batho ba nang le litlhoko li qetelle li arabeloa. A re hoo ha ho tlii tharollo litabeng tsa batho ba nang le bokooa, ba lokela ho sebetsoa ka ho lekana. Ho lokela ho etsoe boithuto e le hore batho ba nang le bokooa ba thusoe ho latela tlhoko tsa bona.

Once we appreciate our place we won't get hurt



There's a saying that I admire so much, "We should learn to listen more attentively to people's actions than their words, there's so much said by actions." I can't agree more with the statement; people tell us so much with their actions but we refuse to listen to them because of what we want them to say. We are actually listening to what we want them to say while literally ignoring what their

actions tell us. We want their actions to have a certain meaning that is fabricated by our desires. When people act in a certain way towards us they are actually giving us the message of who we are to them and are telling us our position in their lives. However, our denial makes susceptible to getting hurt, we reason for those who disrespect us, hurt us, we want it to be a different meaning or probably we need to fix ourselves.

We blame ourselves for being hurt, we think if we can change maybe we can be treated differently. This only opens more doors for hurt, changing oneself for others

is losing identity and still getting hurt, we can't dictate people's actions. If we can learn our position in people's life surely we reduce chances of getting hurt.

<https://whatsapp.com/channel/0029VaksSPUJUM2dmiGDNh20>

Follow Moeletsi oa Basotho

Official WhatsApp Channel

and stay connected!

Fumana litaba tsa morao-rao, litsebiso, likhatiso le tse ling ka potlako ka menoana feela!

WhatsApp: 6260 0983

www.moeletsoabasotho.co.ls

Road Fund e tsetela kabong ea toka

Nthabeleng Seitlheko

Setsi sa Tokiso ea Litsela (Road Fund) se nehelane ka marang-rang a M25 Million ho Makhotla a Molao a Lesotho, e le mokhoa oa ho kenya letsoho ntlafalong ea kabo ea toka linyeoe tsa mebileng le ho potlakisa linyeoe. Litaba tsena li bile ka la 9 Phupu monongoaha.

Mookameli oa Road Fund 'Matšepang Sekhokoana o hlalositse hore ba nehelana ka marang-rang a thusang ho tsamaisa litefiso tsa mebileng le ho nolofatsa ngoliso ea linyeoe e le ho potlakisa kabo ea toka. O re ba sebelisitse chelete e kaalo ka M25 Million ho aha marang-rang ana e ileng ea aroloa ka mekhahlelo tšebelising ea eona ea ho reka libeliso tse kang thepa ea marang-rang le likoetliso ho batho ba sebetsang le eona.

O re ba bone hore e'a sebetsa 'me b'a tseba hore e sebetsa hantle ka hona Makhotla a tla nolofalloa ke ho etsa mosebetsi, empa ba tla etsa hore ba sebetse 'moho moo e bang mathata a teng. A bontša hore Road Fund e sa le e tšehetsa marang-rang ana ka chelete ho tloha ka selemo sa 2019.

O re tšebeliso ea marang-rang ana e qalile moo ho ileng hoa etsoa 'spot fine' ka marang-rang, e le ea sepolesa le Road Fund, 'me ba etsa hore litlolo tsa



molao tsohle tsa mebileng li kenelle. O re ha motho a lefelletse 'spot fine' oa tlohe- loa empa ea sa se lefelleng o se a tla arabella litaba tseo Makhotleng.

A re melemo ea marang-rang ana ke ho nolofalletsa Road Fund hore e tle e tsebe ho fumana lipalo-palo tsa linyeoe tsa mebileng. A re ba lahlehela ke chelete e kaalo ka M1.1 Million ho Lekhotla le tsamaeang kaha koloi eo e sa sebelisoa kamor'a hore beng ba likoloi ba se khotsofalle tšebetso ea bona.

Mongolisi oa Makhotla, Adv. 'Mathato Sekoai o re Road Fund e ile ea amohela kopo ho tsoa ho sepolesa hore e thusetse ntlafalong ea linyeoe tsa mebileng, ba bona hore ha ho thuse ho matlafatsa letsoho le leng a mang a sa matlafala, ka lebaka lena ba amohela

thepa ena lebitsong la Makhotla hore ebe ba t'l'o una molemo ka eona, 'me eona e t'l'o nolofatsa bosebeletsi molemong oa hore linyeoe li tsamaee kapele.

A re marang-rang ana a bua ka linyeoe tsa mebileng, 'me ho bohlokoa hore ba ka etsa hore linyeoe tse ling li ka ngoloa ka tšebeliso ea marang-rang hore ba tsebe ho sebetsa linyeoe ka nako. A re Road Fund e ba ratile hore ke nako ea hore ba bue litaba tsa naha boemong ba naha, ka khokahano le hore bohle ba nang le litaba tsa toka ba sebetse 'moho.

A re ba lokela ho kopana 'moho ho matlafatsa litaba tsa bona kaha ho se moo ba ka amohang mang kapa mang boikemelo ba mosebetsi oa hae. A re Road Fund e ba phepeltse, 'me ka lehlohonolo mosebetsi ona o entsoe ke ngoan'a Mosotho

ka hona ke ntho e kholo e thusang hore mosebetsi o be bonolo le moo ba hlo- kang thuso e fumanehe ka nako.

Mookameli oa Sepolesa Adv. Borothe Matsoso o itse marang-rang ana a ba thusa ho fokotsa sekahla sa linyeoe tse liehang ho fihla Makhotleng ka lebaka la ho sebelisa mekhoha ea khale ea ho ngola linyeoe pampering. A re hona joale ba atleha ho sebetsa bonyane 70% ho isa 80% ea linyeoe hore li fele ka lebaka la marang-rang.

O re sena se entse hore ba nolofalloe ke ho ba le polokeho ea linyeoe ha litlamorao e le tlhokahalo ea marang-rang kaha bothata e le khokelo ka lebaka la liba- ka tse ka maluting. O re ho bohlokoa hore Basotho ba se ke ba fa mapolesa masiba a limpshe hobane seo se tla a thusa ho etsa ho nepa- hetseng. A re ba lokela ho tloha mekhoeng ea khale ea tšebetso ba ipapise le liphe- toho tsa lefatše, ka hona a bontša hore marang-rang a bohlokoa hobane a potlakisa mosebetsi 'me ana h'a

ne a ka atolosoa a ne a tla ba thusa hore mosebetsi oa bona o be bonolo, lipalo-pa- lo tsa tšebetso li bokelloe ha bonolo le litlaleho tsa linyeoe.

A tsoelapele hore hape ho tla nolofalletsa bookameli ho etsa tšalo morao ea moo mosebetsi o bonahalang o sa etsahale hantle ka mek- hoa e bonolo, hore ba tse- be ho sebetsa ka potlako. A kopa hore ba ikarabellang litabeng tsa kabo le pha- no ea lichelete ba tšehetse morero ona, o ntlafatsoe molemong oa kholo litabeng tsa kabo ea toka le litoko- mane tse nyamelang tsa batho, li tsebe ho fela hore tšebetso e be e tsoileng matsoho.

Tšepiso Pheko e mong oa bahlahisi ba marang-rang ana, o hlalositse hore ba lokela ho ntlafatsa ma- rang-rang ana hore a fu- manehe habonolo. A re lita- ba tsa polokeho ea ona le litaba tsa batho li tla boloke- ha kaha ba lekile mekhoha eohle ho bona hore litaba tsa polokeho li matla khah- lanong le bahlaseli ba ma- rang-rang.



Basotho b'a sotleha lichankaneng



Nthabeleng Seitlheko

Basotho ba mak- holo-kholo ba qhobellane joalo- ka liphoofole se- kete sepoleseng sa khubu ea teropo ea Thekong Afri- ka Boroa, ba tšoaretsoe ho hloka libukana tsa ho eta le

lipolomiti tsa ho sebetsa, ho rialo Mookameli oa Mokhat- lo oa Basotho ba sebetsang Linaheng tseo e seng tsa habo Bona, Lerato Nkhetše puisanong le Koranta ka la 8 Phupu monongoaha.

O re Basotho bana ke ba ileng ba tšoaroa ho tloha khoeling ea bobeli, ba isoa Lindela ba qeta sekoeba sa

bona, ba isoa sepoleseng se boletsoeng ho emela ho tlišoa Lesotho. O re taba ena e ntse e nama kaha Basotho ba ntse ba tšoaroa ka bongata Durban, 'me liketsahalo tsa ho tšoaroa ha bona ba malapa ba ne ba sa tsebe moo batho bao ba leng hona teng, e leng khatikelo ea Litokelo tsa Mantlha tsa Botho. O re bo- holo ba ahlotsae khoeli ba le Setsing sa Tlhabollo ea Batšoarua, 'me bona ke Basotho ba 30 ha ba bang ba le ka litsing ba e-s'o aho- loe ba le ka holimo ho 100.

Nkhetše o re liphuputsong tsa bona ba fumane hore pharela ke hore boholo ba Basotho ba sebetsa na- heng eo ba se na lipolomiti, ba sebetsa ba se na litoko- mane tseo ba loketseng ho sebetsa kamoo ba e-na le tsona ha ba bang ba se na libukana tsa ho eta ho hang.

O re ha ba tsebe hore na 'muso o na le moralo ofe ho rarolla bothata bona kaha a ne a hopola hore kam- or'a phutheho ea khoeli ea Motšeanong monongoaha o fihletse tharollo tabeng tse- na empa ho ntse ho se nko ho tsoa lemina.

A re ba sitoa ho buella 'muso hore na o sebetsa joang litabeng tseo, kaha ba ntse ba kopana le liofisi tse amehang le paramente e le hore Basotho ba tsebe ho thusoa tabeng ena. O re taba ena e t'l'o qetella ho sa sebelisanoe hantle le Afrika Boroa kaha ho sotloa Baso- tho naheng eo.

Morali oa e mong oa ba tšeroeng Itumeleng Thokoa, o re se bohloko ke hore ha ba lumelloe ho ba bona le ho ba romella che- lete, le ho ba lokolla hore ba tle hae, 'me ba bolaoa ke serame le tlala. A re litaba


tsena ba kopa 'muso ho ba thusa hobane ha ba tsebe hore na ba li pota ka kae, leha ba fihla libakeng tseo ba tšeroeng ho tsona ba isoa holimo le tlaase.

Molula-Setulo oa Balu- la-Setulo ba Likomiti tsa Paramente, Mokhothu Mokhanyane o re tšepo ea bona e kholo e ne e le hore kopanong ea mebu- so e 'meli e ne e lokela ho fumanela taba ena tharollo lehoja e fane ka matsatsi a 90 a ho lula naheng eo. A re naha ea Afrika Boroa le lina- ha tse ling ba ntse ba tšohla taba ea motsamao o lokolo- hileng, ha Basotho ba hloka 'muelli ba ntse ba sotloa.

A re e le paramente ba ntse ba leka ho etsa lipui- sano le paramente ea Afri- ka Boroa ka tšoaroe mpe ea Basotho naheng eo, hobane bophelo ba Baso- tho bo lokela ho ntlafatsa le motsamao e be o lokolo- hileng.

M o B K I D D S
E D U T A I N M E N T

Puzzle MoB 93-4592



- Across
- 3 Mokhatlo oa lefatše oo Motlotlehi a ileng a khethoa moemeli ke oona bakeng sa phepo (ka bokhutšoane). (3)

4 Seteishene sa lipapali moo Motlotlehi a ileng a khakoloa teng. (7)

5 Lebitso la mora oa Motlotlehi Letsie III. (9)

9 Sehlooho seo Motlotlehi a ileng a se fumana ho African Union. (9,8)

11 Kereke eo Motlotlehi Letsie III a hlatsoitsoeng ho eona. (9)

13 Khosatsana ea Lesotho. (6)

14 Lebitso la Mofumahali oa Motlotlehi, pele ho lenyalo. (6)

15 Lebitso la bolumeli la Motlotlehi Letsie III. (5)
- 8 Motse oo Letsie III a hlakileng ho oona. (6)

10 Khau ea bacha e tlas'a patronage ea Morena. (6)

12 Naha eo a ileng a ithutela temo ho Wye College. (7)

Down

1 Lebitso la ntate oa Motlotlehi Letsie III. (10)

2 Ketsahalo eo Morena Moshoeshoe II a ileng a hlokahala ho eona. (5)

6 Lefu leo a ileng a le phatlalatsa e le koluoa ka 2000. (3)

7 Khoeli eo Motlotlehi a hlakileng ka eona. (5)

THAROLLO MoB 93-4591



TSA KEREKE

‘Mamohau e ntša setlabolane

Tšeliso Thakholi

Sehlapha sa Macecilia a ‘Mishone oa ‘Mamohau Ti-kolohong e Kholo ea Maseru, se ntšitse CD e ncha ea boraro e le ho ntšet-sa pele mosebetsi oa bona o babatsehang kahar’a Kere-ke ea Morena Molimo oa ho kenya letsoho kholisong ea

Puisanong le seqapi ebile e le e mong oa libini tsa Macecilia a ‘Mamohau, Monghali Mathatela Ntsatsi o boletse hore se phuthetso-eng ke setlabolane sena se secha taba-kholo ke thapelo le bolumeli. Ke ka hona ka-har’a sona ba nang le pina e reng ‘Kea u rapela hobane u Molimo,’ “eo re neng re hlile re nka matla linthong tsohle

komelisa sechaba sa Morena Molimo hore kamehla ha ho le thata bophelo bo le boima, ba lokela ho bitsa ho Ma-ria Movirigo ‘m’a rona. “Ho eona re qotsitse ha nyenya-ne thapelo ea Maria Movirigo e reng ‘O Letlotlo la Israele.’ Ho tloha mona re na le pina e fupeng nalane ea ba Bohlale ba Bochabela, ha ba ne ba fumana molaetsa oa hore re tla tsoalloa mopholosi o tla bitsoa Jesu Kriste.” O boletse joalo a bile a eketsa ka hore molaetsa oa pina ena o tloha ho ba Bohlale ba Bochabela ho ea fihla ho Morena Heroda.

A tsoelapele ho bontša hore ba boetse ba na le DVD, empa ha ba e-s’o e ntše kaha ba ntse ba bokeletsa mekhoa ea ho fumana lichelete. A etsa kopo ho batho bohle ba boithatelo bo botle ho etsa letsoho la monna. A tiisa hore taba-tabelo ea bona ke ho bona Kereke ea habo bona e se e le kholo e bitsoa Parish, ‘me hona joale ka tšebeliso ‘moho e mofuthu le likopano le phutheho eohle ea bakriste ba letšolong la ho phethela ntlo ea moprista e kenyeletsa le liofisi tsa Kere-ke. A qetella ka ho ipiletsa ho batho bohle ho ba tšehetsa ka ho reka CD le flash drive

‘Mishone oa ‘Mamohau le ho hohela bakriste ho kena kereke ba sebelisa thapelo. Morero e boetse ke ho hlabolla le ho folisa bohle ba imetsoeng ka lipina tsa bona tse mathemaloli.

E ntse e le ka morero oa ho thusa kereke ea bona hore e hole le ho matlafatsa borape-li, ba ile ba ntša CD ea bona ea pele ka selemo sa 2015, e neng e bitsoa ‘Thapelo ea Khotso,’ ‘me ka sa 2019 ba ntša e bitsoang ‘Lenyeloi la Morena.’ Ka morero o tšoanang selemong sena ba ntšitse ea boraro e bitsoa ‘O moprista ka bosafaleng,’ ‘me ba ile ba qapa pina ena na-kong eo ho neng ho behoa Fr. Dionysius Matekane OMI Boprsteng bo Halalelang. Setlabolane sena secha se na le lipina tse 12 tse monate ka ho fetisisa.

tseo re li etsang, re sa tsa-mae feela empa re ntse re tataisoa ke Morena Molimo ka sebele.”

O re pina e ‘ngoe ea



thapelo e ratoang haholo let-lapeng lena la bona le lecha ke e bitsoang ‘Ahe Maria’ eo ka eona ba rutang le ho hlo-

ea lipina tsena tse ncha. A re ba ntse ba hlophisa hore ba tla tla e khakola ka la 30 Loe-tse monongoaha.



2024-2025 SELEMO C

Sontaha sa 15 har’a selemo



Deut 30:10-14

Pesalema 68

Ba-Kolosse 1:15-20

Luka 10:25-37



Khothatso

Molao oa Kriste o’a pheleha

Lipalo tsa kajeno li beha kapele ho rona hore lithuto tsa Kriste ha se moroalo o reretsoeng ho re imetsa, empa ke memo e Halalelang e re thusang hofihlela seo re nahanang re ka se se fihlele. Li boetse li re memela ho inahana ka botebo ka tsela eo Morena a le haufi ka teng le rona, le pono ea hae ho bona re hlasimolohile re phela hantle. Moshe Thutong ea Pele o re hopotse hore molao oa Morena ha o hole le rona, empa o ka lipelong le melomong ea rona, o emetse hore re o phele. Paulosi Lengolong ho Ba-Kolose o tlotlisa Kriste eo e leng setšoantšo sa Molimo, ‘moelanyi oa batho le Molimo ka sefapano. Papiso ea Mosa-maria ea Molemo Evangeling e tlisa tsela eo lerato la Kriste le leng lona bophelong ba letsatsi le letsatsi, kutloelo-bohloko e sa hlohang moeli. Ba bangata ba ipotsa hore na thuto ea Kriste e boima, kapa melao ea hae ha se eo motho a ka e bolokang. Morena Jesu o re bontša hore tseo tsohle ha li’a rereloa ho phesela mang kapa mang, empa li’a pha-hamisa. Tsela ea hae ea lerato, mohau le poelano ke thuto eo ho seng motho lefatšeng ea ka e fihlelang.

Matsatsing ana ho thusa motho ea kotsing ho hloka-hala ha u tseba molao e se re ketso ea hau ea mohau ea tla u fetohela hamorao. Evangeling setsebi sa molao se botsa Krsite potso mabapi le bophe-lo bosafeleng. Ka ho tseba likhoqetsane tsohle mabapi le taba ena o mo khutlisetsa molaong, empa sona se araba ka hore motho o tla rata Morena Molimo oa hae ka pelo ea hae eohle, a boele a rate oa habo joalokaha a ithata. Karolo ea pele e tsoa Bukeng ea Deuteronomo ‘me ea kajeno ke e monate ho feta hobane e re Molimo ke bophelo ba rona, ‘me bophelo ba rona bo ka bontša Morena Molimo. Mantsoe a Moshe a bontša tšenolo ea hore lerato la Molimo, le bopileng lefatše, le na le rona ka linako tsohle.

Ana ebe ke tšoana le moprista ea ileng a feta monna eo, ke re ho hlokomela bakuli ke mosebetsi oa baoki le lingaka? Kapa ke tšoana le setsebi sa molao se o tsebang empa se le bohlasoa ho o phela? Kapa ke tšoana le Mosamaria ea mamelang pelo ea hae ‘me a phela tumelo ka mosebetsi? Ebe ke khesa le ho nyonya bohle ba nkhang hampe kapa ba sa rutehang?

Lerato la hau mohlomong le u khanela ho hlokomela batho e se ho ba utloela bohloko feela. Kamehla Morena o shebile letsoho la hau ho thu-sa ho tlosa bohle ba litholeng le maqakabetsing a bona. Morena Jesu o batla batho ba ikemiselitseng ho ratana le ho hlokomelana ‘moho le lefatše le nang le khotso le toka tlasa tataiso ea Molimo Ntate. Tsena tsohle li hlokoa ho rona joaloka Bakriste, empa re iphapantse joaloka beng ba lifariki, re koekoetla batho bao re lokelang ho ba thusa. Ak’u ipotse hore na ha u sa etse mosebetsi e molemo hoa ho lokela ho ipitsa Mokriste na? Lerato la ‘nete ha le na moeli, le thusa motho ea mathateng kapa kotsing e ‘ngoe le e ‘ngoe ea bophelo.

Thuto ea kajeno ha e re rute feela ho botsa potso ea hore na ngoan’eso ke mang? Empa e hloka uena u ipotse hore na u moahisane oa mofuta ofe. Tumelo ea hau ebe ke e shebaneng feela le likamano tsa hau le Morena Molimo, ha ho moo e kopanang le hore na u phelisana joang le libopuo tsa hae. Hlahlobang likamano tsa lona le batho hobane tseo le li etsang ho bona ke tseo Molimo Ntate a li shebileng ho feta mantsoe ao le a buang ho Eena.

Bahalaleli har’a Beke

14	Phupu	Heraclas
15	Phupu	Swithun
16	Phupu	Vitalian
17	Phupu	Kenelm
18	Phupu	Rufillus
19	Phupu	Aurea

Li'a tšepisa Namibia

Tšeliso Thakholi

Libapali tsa Naha ea Lesotho ka mekhahlelo e fapaneng ea lipapali, li hlaloso ke Motlatsi oa Motsamai oa Sehlopha sa Lipapali tsa Bacha, Mofumahali 'Malitsietsi Zwakala li bontšitse ntlafalo e kholo lipapaling tsa bacha tsa AUSC Region 5 tse ntseng li bapaloa Naheng ea Namibia moo hara tse ling Lesotho seng le hpile limentlele tse supileng tse kenyeletsang Limentlele tsa Khauta tse peli.

Zwakala o boletse hore Naha ea Lesotho e kenetse AUSC Region 5 ka lipapali tse tšeletseng e leng Litebele, Tennis, Beach Volleyball, Indoor Volleyball, Swimming, mekhahlelo e 'meli ea mabelo e leng a tloaelehileng le a batho ba nang le bokooa le Table Tennis eo ha joale e seng e itlhomme pele lipapaling tsena ka ho ba le Mentlele ea Bronze.

A re le ha ba ile ba hloloa ho hapa limentlele papaling ea pele eo ba ileng ba qala ka eona e leng ea Beach Volleyball, libapali tsa Le-

sotho li bapetse ka boitelo bo boholo kaha li ile tsa tsoa mokhahlelong oa seka-makhoala-khang. Haele papaling e hlahlamang ea Table Tennis eo e neng e le lekhetlo la pele e kena lipapaling tsa bacha tsa AUSC Region 5, o supile hore Lesotho le kene ka mekhahlelo e meraro e leng moo ba bapalang e le sehlopha, ka bonngoe le ka bobeli.

A re ke papaling ena Lesotho le hlileng la ipaka hore

ha se potele e khoathoang ka lehlaka ka ho itsamaela bolacha ka lihlopha tseo le neng le qothisana lehlokoa le tsona, ka hoba eona papali ea pele ea ho bulela Lesotho mamati ka ho hapa mentlele oa Bronze. A re mokhahlelong oa moo Lesotho le bapalang ka sehlopha le hlahile boemong ba boraro 'me la hapa mentlele oa Bronze.

A bontša hore haele lipapaling tse ling tseo Naha ea

Lesotho e seng e li bapetse tse kang Indoor Volleyball e hlahile boemong ba boraro. Haele papaling ea Tennis ha ho e-s'o fele. A boela a bontša hore papaling ea Litebele Lesotho le hlotsoe ka ho bahlankana boimeng ba 51kg, 54kg le 57kg. A supa hore papaling ena ba ile ba thula thaba ka phatla kaha ho ile ha fumaneha ha ba le Namibia hore boholo ba linaha tse teng, ha li na libapali tsa boima ba 48kg

le ba 70kg, 'me boholo ke tse ka tlase. Ka hona libapali tsa bona mokhahlelong oo ha li'a ka tsa tsoelapele kaha o ile oa tlameha ho hlakoloe.

A thetha ka hore ho tloha lipapali tsena li qalile o khotsofetse haholo ke tselaela eo libapali tsa Lesotho li bapalang ka eona. A re o na le tšepo e kholo ea hore ha lipapali li ntse li tsoela pele ba tlii'o tlela naha limentlele tse ngata. Ke libapali tse 57 tsa mekhahlelo e fapaneng ea lipapali tse kenetseng lipapali tsa bacha tsa AUSC Region 5.



Mathata a hlahella pooaneng

Tšeliso Thakholi

Mathata a tjametseng Sehlopha sa Bolo ea Maoto sa Zone 14 a ile a hlahella pooaneng nakong eo e neng e teteke ke Patlellong ka phafa ea 6-0, lipapali tse

etellang pele tsa ho qetela tsa Mohope oa Winter Charity Tournament o ntseng o tsoelapele ka katleho e kholo Lebaleng la Malakabe, Mazenod mafelong ana a beke a tsoa feta.

Papaling ea eona ea pele e neng e shebiloe ka mahlo a mafubelu ha e ne e qala ho bapala litlholisano tsena

sehlopha sa Monneng se ile sa e jabela 6-0. Barati le batšehetsi ba bangata ba bolo ba neng bohile papali ena, ha ba a ka ba ela hloko hore e se e le ha mathata a Zone 14 a se a qalile ho hloa manolo holimo kaha e qalile e bapala papali e tsoileng matsoho.

Zone 14 e ne e sebelisa

libapali tse ngata tse nang le boiphihlelo tse ka tsebang ho sebetse ka boitelo ho hapa lipapali tsa eona. Empa e ile ea hloloa ho sebelisa menyetla e fokolang eo e ileng ea e fumana. Haele papaling ea boraro teng ho hlile ha 'na ha hlahella hore e fela e na le mathata ha e fumana e tlameha ho bapala ka libapali tse sa fellang e ba e tokhotsoa ntle ho qenehelo ke Black Boyz ka 11-0. Ha 'na ha bonahala hore e hlile ho moepa ho o'a nyolosetsa sehlopheng sa Zone 14.

Athe papali ea Moqebelo Zone 14 e ile ea 'na ea eba pale e tsoellang pele ka ho hlohlora ka thupa ea 6-1 ho etsa kakaretso ea 23-1 ho tloha ha lipapali tsena li qalile. Ke sona feela sehlopha se seng se hlabiloe lintlha tse ngata ho feta lihlopha tsohle lipapaling tsena. Libapali tsa Zone 14 leha bohobo ba tsona li e na tsebo ea papali, li bonahetse li se li feletsoe ke maqheka a ho hapa papali.

H'a hlalosa kamor'a papali ea bona le Patlellong, bothata bo entseng hore bo qetelle bo hlahelletse pooaneng, moetapele

oa sehlopha sa Zone 14, Ngeku Taole o boletse hore ba qalile lipapali tsena ba sa ikoetlise 'moho, 'me se-bapali ka seng se ikoetlisa ka bonngoe. A re ba ne ba kopana feela mohla letsatsi leo ba seng ba il'o bapala. "Ka hona re bonahetse re se na matla ho hang le mokhatla o ne o iphile matla e leng bopaki ba hore moo re neng re le teng re ne re ntse re sa ikoetlise hantle." O boletse joalo a bile a eketsa ka hore papaling e 'ngoe ba ile ba bapala ba sa fella e leng hona moo ba ileng ba hlajoa lintlha tse ngata haholo. A tiisa hore kamor'a papali ea bona le Membra mafelong ana a beke ba tla be ba hlatsoitse jesi lipapaling tsena, 'me hang ba tlii'o qalella ho ithlhopela litlholisano tsa selemo se tlang.

Haele lipapali tse ling tse ileng tsa bapala li ile tsa ema tjena; Malakabe 2-0 Mahlanyeng, Litloebelele 2-1 Mazenod Academy. Haele papali e bileng lipakeng tsa FC BASA le Tigers ha ea ka ea fihla pheletsong kaha ho bile le likhang empa FC BASA e ne e se e tsamaea pele ka 1-0 ha papali e emisoa.



Mehalalitoe e'a ipekha



Tšeliso Thakholi

Sehlopha sa Naha sa Bolo ea Mao-to ea Basali sa Mehalalitoe ‘The Beautiful Flowers’ se ile sa inonya matla lipapaling tsa boikoetliso, khahlanong le lihlopha tse peli tsa Naha ea Afrika Boroa e leng TS Galaxy Queens le Mokhethoa oa Basali oa Johannesburg le ho kenyeletsa libapali tse

ncha tsa sona. Lipapali li bile khubung ea Toropo e Kholo ea Johannesburg, Afrika Boroa ka la 5 ho isa la 6 Phupu 2025. Ho ea ka Mokhatlo o Tsamaisang Bolo ea Mao-to Lesotho (LeFA) lipapali tsena tsa setsoalle e ne e le tsa boithopho ba sehlopha pele ho lipapali tsa selemo le selemo tsa basali tsa Mhope oa COSAFA Women’s Championships tse tlang ho

tsoareloa Lebaleng la Gelvandale, Afrika Boroa ka la 22 Mphalane ho isa la 2 Pulungoana monongoaha. Li ne li boetse li reretsoe ho thusa Mokoetlisi Shalane Lehohla ho bona hore na a ka matlafatsa sehlopha ka libapali tsa mofuta ofe tse ncha. Papaling ea pele ke moo Mehalalitoe e ileng ea bontša tšebetso e ntle haholo le ha e ne e bapala ka libapali tse ncha, ka ho khekheha le TS Galaxy Queens ka 0-0. Athe papaling ea bobeli e ile ea hla ea

ipabola ka ho sasara ntle ho qenehelo Mokhethoa oa Basali oa Johannesburg ka thupa e bohloko ea 4-1. Barati le batšehetsi ba bolo ea maoto ea basali ba bontšitse thabo e kholo ka tšebetso e ntle ea libapali tse qalang ho bitsoa kahar’a Sehlopha sa Naha. Ba khotaletsa bakoetlisi ho tsoelapele ho matlafatsa sehlopha ka ho boela ba bitsetsa libapali tse ling kahare ho Sehlopha sa Naha sa Mehalalitoe. Mehalalitoe e tliil’o thakhola lipapali tsa eona tsa pele tsa COSAFA Women’s Championship ka ho bapala le Zimbabwe ka la 27 Mphalane monongoa-

ha. Athe papali ea eona ea bobeli e tla koebana le Mozambique ka la 29 Mphalane. Haele bo-‘mam-poli ba sireletsang mohope ona e leng Copper Queens ea Zambia ke bona ba tla qala lipapali tsena le sehlopha se kotsi sa Angola ka la 24 Mphalane. Ho sa le joalo sehlopha sa Makoanyane XI tlasa bokoetlisi bo hloahloa ba Monghali Halemakale Mahlaha, le sona se bile le lipapali tsa setsoalle Naheng ea Afrika Boroa ka morero o tsoanang oa ho itlhophele lipapali tsa sona tsa COSAFA, moo se ileng sa bapala ka seahlolo sa 4-4 le Kaizer Chiefs U/20 letsatsing la Moqebelo ha ka Sontaha se ile sa poqa sa Orlando Pirates U/20 ka phafa ea 2-1.



Ha ba e-s’o fumane lihlopha

Tšeliso Thakholi

Nakong ena eo batsamaisi ba lihlopha tse kholo tsa bolo ea mao-to ba ntseng ba ea holimo le tlase ho matlafatsa lihlopha tsa bona ka ho lokolla le ho ngolisa libapali bakeng sa selemo se secha sa lipapali, libapali tsa sehlopha sa Matlama tse nang le boiphihlelo bo boholo bolong ea

maoto tse kang Lisema ‘Disco’ Lebokolla le Lazola Tjokotjokwane, ba ntse ba e-s’o be le lihlopha tseo ba li bapallang kamor’a hore likonteraka tsa bona li fihle pheletsong sehlopheng sa Matlama selemong sa lipapali sa 2024/2025. Lebokollane konteraka ea hae e fihlile pheletsong ngoahola ‘moho le ea mohlaba-lintlha ea hloahloa e leng Lazola Tjokotjokwane eo le eena ho ntseng



ho e-s’o hlake hantle ka bokamoso ba hae sehlopheng sa Matlama. Haele sebakali se bapalang moleng o kamorao oa Matlama e leng Motete Mohai, eo le eena konteraka ea hae e felileng, menyengetsi e kuma ha bookameli ba sehlopha bo ntse bo le lipuisanong le eena ka tšepo e kholo ea hore bo tla nchafatsa konteraka ea hae. Ho feta mona Matlama e ntlafalitse sehlopha ka ho ekeletsa Molefe Thatso kon-

teraka ea hae ka nako ea selemo. Mohlankana enoa ke o mong oa libapali tse ntseng li le nyenyane haholo lilemong ea bapalang bolo e tsoileng matsoho mpeng ea lebala. Ho ea ka ba bang ba batšehetsi ba sehlopha sa Matlama ba bontšitse ba e-na le thahasello e kholo ea hore libapali tsena li ka boela tsa nchafaletsa likonteraka tsa tsona ho latela ka moo ba ileng ba bapala ka boitelo le ka le-

rato ka teng selemong se fetileng sa lipapali. Ba etsa mohlala ka Lazola le Lisema ka hore e se e le nako e telele ba bapalla sehlopha sa Matlama le sehlopha sa Naha Likuena ‘me ba se ba tseba hore na lipapali tsa liki le tsa machaba ba ka li bapala joang. Ba re leha e se bona ba etsang li qeto, e le mokoetlisi ea lokelang ho hlalosa hore na o batla libapali tsa mofuta ofe, ba na le tšepo e tiileng ea hore ka bakoetlisi ba bacha bahlankana bana ba tla tekenoa bocha, ho latela makhabane le boiphihlelo ba bona sehlopheng sa Matlama. Ho sa le joalo Bompoli ba bolo ea maoto Naheng ea Lesotho, Lioli ‘Tse Nala’ bo tekenne le ho amohelela libapali tse ncha, tse kenyeletsang mohlaba-lintlha ea kotsi ea neng a sa tsoa arohana le sehlopha sa Linare e leng Hlomelang Lebina. Ho feta mona e boetse ea matlafatsa sehlopha ka Boitsheko Sekai ho tsoa sehlopheng sa Mahika Champions ea Afrika Boroa le Pontšo Moabi ho tsoa sehlopheng sa Matlama.